

ՆՈՐ ՎԱԿԵՐԱԳՐԱԿԱՆ ՖԻԼՄ

«ՇՈՒՇԱՆԻԿ ԹԱԳՈՒՇՈՒ ԳՈՒՄԱՐՏԱԿԸ»՝ ՆՎԻՐՎԱԾ ՎՐԱՍՏԱՆԻ ԱՄԲՈՂՋԱԿԱՆՈՒԹՅԱՆ ՀԱՄԱՐ ԶՈՇՎԱԾ ՀԱՅԱԶԳԻ ՄԱՐՏԻԿՆԵՐԻ ՀԻՇԱՏԱԿԻՆ

Սեպտեմբերի 30-ին Թբիլիսիի ամենամեծ «Ամիրանի» կինոթատրոնում տեղի ունեցավ երիտասարդ կինոավերագիրներ Դավիթ Գուլիկյանի և Արթուր Մարտիրոսյանի նկարահանած «Շուշանիկ թագուհու գունարտակը» վավերագրական ֆիլմի պրեմիերան:

Ֆիլմը նվիրված է 1990-ականների սկզբին վրաց-աբխազական հակամարտության եւ Վրաստանի միասնականության համար մարտնչած վրաստանցի ազգությամբ հայ զինվորներին ու կամավորականներին, որոնց մասնակցության եւ սիրագործությունների մասին ֆիլմում վկայություններ են տալիս պատերազմի վետերանները:

Ֆիլմի ցուցադրումից հետո, Վրաստանում Հայաստանի արտակարգ եւ լիազոր դեսպան Աշոտ Սմբատյանը, մասնավորապես, նշեց, որ ֆիլմը կրկին արժանագրում է այն անհերքելի ճշմարտությունը, որ վի-

րահայերը հյուրընկալ վրաց հողում իրենց բազմադարյա պատմության ընթացքում մշտապես եղբայրական վրաց ժողովրդի կողքին են կանգնել ու անմնացորդ սիրել իրենց երկիրը՝ զնալով անձնագոյություն, երբ սասանվել է Վրաստանի միասնականությունը:

Դեսպանը շնորհակալություն հայտնեց ֆիլմի ռեժիսորներին եւ բոլոր նրանց, ովքեր աջակցել են այս մտահաղացման իրականացմանն ու իրենց աջակցությունը բերել այս գործին, ինչպես նաեւ իր խոնարհումը բերեց դաիլիզում ներկա վետերաններին:

- Ֆիլմը նվիրված է վրաց-աբխազական հակամարտության ընթացքում, վրացական կողմից մարտնչող եւ զոհված վիրահայ մարտիկներին: Այս ուսումնասիրությունը, հավաքված նյութերը եւ դրանց արդյունքում ստեղծված ֆիլմն անհրաժեշտ է հայերի դերը Աբխազիայի պատերազմում կարեւորելու համար, քանի որ մինչ այս շատերը կարծում էին, որ հայերը միայն հակառակորդի կողմից են կռվել, ինչը բնականաբար իրականությանը չի համապատասխանում,- ասաց Դավիթ Գուլիկյանը եւ հավելեց, որ կինոնկարը պատմական իրականությունն արտացոլելու նպատակ ունի:

Ֆիլմի համահեղինակ Արթուր Մարտիրոսյանը նշեց, որ մեծ պատիվ է իր ֆիլմը հանձնել թբիլիսահայ հանդիսատեսի

դատին:

- Ավելի քան 30 տարի է անցել Աբխազիայի պատերազմից, սակայն Վրաստանի հասարակությունը սպասում էր ոչ թե այս ֆիլմին, այլ ընդհանուր մի թեմայի, որ հայերը կռվել են ոչ միայն հակառակորդի, այլեւ Վրաստանի կողմից: Սա ենթ ուզում ցույց տալ հանդիսատեսին եւ շատ ուրախ ենք, որ այսօր այսքան մարդ է հավաքվել,- նշեց Արթուր Մարտիրոսյանը:

Վավերագրական ֆիլմի շնորհանդեսին ելույթ ունեցան նաեւ քաղաքագետ, Վրաստանի խորհրդարանի նախկին պատգամավոր Մամուկա Արեշիձե, վրաց-աբխազական հակամարտության մասնակից, վետերան, պահեստի գնդապետ Դորո (Դարեջան) Գուգեշաշվիլին:

ՄԱՐԻԱ ՂԱՆԻԵԼՅԱՆ

ԵԿԵՂԵՑԱԿԱՆ ԵՐԳՉԱԽՈՒՄ

ՍՈՒՐԲ ԳԵՆՐՈՐԳ ԱՌԱՋՆՈՐԴԱՆԻՍ ԵԿԵՂԵՑՈՒ «ՉԱՅՆԵՐԸ»

Խմբագրության էլեկտրոնային հասցեին ստացվել էր մամուլի Աննա Նազարյանից, ով, Սուրբ Գեորգ եկեղեցու երգչախմբի կատարումներից հիացած, խնդրել էր մեզ մանրամասնել, թե ում ծայներն են այնտեղ հնչում, մասե փոքր-ինչ ներկայացնել հայ եկեղեցական երաժշտության ծագման պատմությունը:

Սկսենք պատմությունից. հայկական երաժշտական մշակույթը սկիզբ է առնում մ.թ.ա. II հազարամյակից: Այդ մասին իրենց աշխատություններում վկայում են հին հայ պատմիչներ Մովսես Խորենացին եւ Փավստոս Բուզանդը: Քրիստոնեությունը՝ որպես պետական կրոն ընդունելուց անմիջապես հետո, աստիճանաբար սկսեց զարգանալ եկեղեցական հոգեւոր երաժշտությունը: 405-406 թվականներին հայոց գրեթե ստեղծումը եւս մեծ դեր խաղաց եկեղեցական հոգեւոր երաժշտության զարգացման գործում: Վանքերում, որոնք ե՛լ հոգեւոր, ե՛լ կրթական կենտրոններ էին, ուսուցանվում էր երաժշտություն: Մեսրոպ Մաշտոցի ստեղծած գրեթե շնորհիվ, տեքստերը պահպանվել են մինչ օրս: Առաջին շարականներն աչքի էին ընկնում իրենց լակոնիկ ձեւով եւ բովանդակության հստակությամբ, տեքստերն ու մեղեդիները պարզ եւ փոքրածավալ էին: Ժամանակի ընթացքում շարականները գրվեցին առավել բարդ ոճական խորությամբ, առաջ բերելով ժանրային բազմազանություն՝ պատարագներ, գանձական երգեր, ավետիսներ ու պրոֆեսիոնալ հոգեւոր մոնոդիկ երաժշտության այլ տեսակներ, որոնցից յուրաքանչյուրն ուներ իր առանձնահատկությունները՝ բանաստեղծական տեքստի եւ երաժշտության առումով:

Արդեն 5-րդ դարում իրականացվում է ծայների համակարգում, իսկ 7-րդ դարում Բարսեղ Գունը (երաժիշտ-տեսաբան, երգահան, վանահայր) կազմում է շարականների առաջին ժողովածուն («Ճոնընտիր Շարակնոց»), 8-րդ դարում Ստեփանոս Սյունեցին կատարում է ծայների երկրորդ համակարգումը եւ եկեղեցական երաժշտության մեջ ներմուծում քանոնը: 8-9-րդ դարերում հորինվում են երաժշտական նոտագրման համակարգեր՝ խազեր: 10-րդ դարում ի հայտ է գալիս պրոֆեսիոնալ մոնոդիկ (միաձայն) երաժշտության նոր ժանր՝ տաղը: Տաղերի հեղինակներից են միջնադարյան բանաստեղծներ Գրիգոր Նարեկացին (X), Խաչատուր Տարոնացին (XII դար), ուրիշներ:

Խոսելի հայկական երաժշտության մասին եւ չնչել Կոմիտասի (1869-1935) եւ Մակար Եկմայանի (1856-1905) անունները, մեծ սխալ կլինի:

Մակար Եկմայանի ստեղծագործական ժառանգությունն ընդգրկում է տարբեր ժանրերի ստեղծագործություններ՝ դաշնամուրային նոկտյուրն, սիմֆոնիկ նախերգանք եւ այլն: Նրա երգային ժառանգության առանցքը հոգեւոր, աշխարհիկ երգերի մշակումներն են եւ հատկապես նրա գլուխգործոցը՝ «Պատարագը»: Նախքան վերջինիս հրատարակումն ու ամբողջական կատարումը նրա տարբեր հատվածները՝ «Սուրբ Աստված», «Քրիստոս ի մեջ մեր յայտնեցաւ», «Հայր մեր», «Տէր ողորմեա» եւ այլն՝ Ներսիսյան դպրոցի երգչախմբի կատարմամբ, հնչել են եկեղեցում եւ հետագայում էլ, հաճախ առանձին կատարվելով, ինքնուրույն համերգային կյանք են ունեցել: Նշենք, որ Մակար Եկմայանը 1891 թվականից բնակվել է Թբիլիսիում եւ նույն թվականից մինչեւ 1902 թվականը դասավանդել Ներսիսյան դպրոցում, որտեղ ստեղծել է տղամարդկանց երգչախումբ:

Հենց Թբիլիսիում էլ, կոմպոզիտոր Մակար Եկմայանի ղեկավարությամբ, երաժշտական տեսական առարկաներն է ուսումնասիրում Կոմիտասը:

Կոմիտասի ստեղծագործական ոճը յուրահատուկ է իր տեսակի մեջ: Նրա երաժշտական ժառանգությունն ընդգրկում



նում է մինչ օրս: Ամեն կիրակի աշխարհի բոլոր Հայ առաքելական եկեղեցիներում մատուցվում է Սուրբ Պատարագ: Բացառություն չեն կազմում նաեւ Թբիլիսիի հայկական եկեղեցիները:

Իսկ հիմա պատմենք Թբիլիսիի «Սուրբ Գեորգ» առաջնորդանիստ եկեղեցու եւ նրա «ծայների» մասին:

Թբիլիսի անհնար է պատկերացնել առանց Վրաստանի ամենակոլորիտային եկեղեցիներից մեկի՝ Սուրբ Գեորգի, որը հարյուրամյակներ շարունակ վրացահայերին օգնել է պահպանել երգչախմբի ազգային ինքնությունը: Եկեղեցին գտնվում է Կուր գետի աջ ափին, ժայռի տակ, որտեղ գտնվում է քաղաքային միջնաբերդը՝ Նարիդալա ամրոցը: Այն կառուցել է իշխան Ունեկը՝ Կարին քաղաքից (այժմ՝ Երզրում), 1251 թվականին:

Սուրբ Գեորգ եկեղեցին ունի յուրահատուկ էներգետիկա ու մթնոլորտ, որոնք առանձնահատուկ կոլորիտ են հաղորդում եկեղեցու վերականգնողական աշխատանքների ժամանակ հայտնաբերված որմնանկարները: Եկեղեցու պատերը գրեթե ամբողջությամբ պատված են տարբեր ժամանակներում Հովնաթանյան տոհմի վարպետների, Գեորգ Բաշինջաղյանի (1857-1925), ինչպես նաեւ անհայտ նկարիչների կողմից արված որմնանկարներով:

Եկեղեցու յուրահատուկ էներգետիկան եւ մթնոլորտը կրկնապատկում է երգչախումբը, որն ամբողջացնում է Սուրբ Պատարագի արարողությունը: Ու դու ասես, մոռանում ես հոգեբող, խորասուզվում արդթքների մեջ ունկնդրելով Եկմայանի, Կոմիտասի եւ այլոց ստեղծագործությունները:

Սուրբ Գեորգ առաջնորդանիստ եկեղեցու Մակար Եկմայանի անվան երգչախումբում, երգում են ինչպես երիտասարդ պատանիներ ու աղջիկներ, այնպես էլ՝ մեծ ճանապարհ անցած երգիչներ:

Ներկայացնենք երգչախմբի անձնակազմից մի քանիսին՝ պարզաբանելով, թե ինչ այլ գործունեություն են նրանք ծավալում երգելուց զատ:

Երգչախմբի ղեկավարը Թբիլիսիի օպերային ստուդիայի, Ֆիլիպոսյանի մենեդջուհի Սվետլանա Տատուեան է, ով գլխավորում է երգչախումբը եկեղեցու վերջին վերանորոգումից (2013-2015) հետո:

Միխայիլ Նազարյանը 25 տարեկան է, երգչախմբի մենակատարներից է: Արդեն 11 տարի է, ինչ ներգրավված է խմբի կազմում: Նրա բարձր եւ հզոր ծայնը շատերն են ճանաչում: Ի դեպ, Միխայիլն այս տարի բարձր ցուցանիշներով ընդունվել է Թբիլիսիի պետական կոնսերվատորիայի «Սուր ակադեմիական վոկալ» ֆակուլտետը: Երգելուց բացի, նա զբաղվում է նաեւ խոհարարական արվեստով:

24-ամյա Աշոտ Հարությունյանը երգչախմբում է արդեն 7 տարի: Թբիլիսիի Պետրոս Աղամյանի անվան դրամատիկական թատրոնի դերասան է: Նրա նախասիրություններից մեկը նկարչությունն է:

Ռիչարդ Ասատուրովը երգչախմբում է արդեն տաս տարի, 23 տարեկան է: Նա Վրաստանի երիտասարդ ատանաբույժների ասոցիացիայի ղեկավար եւ Եվրոպայի նոր ատանաբույժների ասոցիացիայի անդամ է:

Ինեսաս Մակարյանը երկարամյա կենսագրություն ունեցող երգչուհիներից է: Երգում է արդեն 16 տարի: Տիրապետում է մի շատ հետաքրքիր արվեստի՝ գորգագործության:

Գովելի է, որ երգչախմբի անդամներից 7-ը Թբիլիսիի թիվ 104 դպրոցի ավագ դասարանների սաներ են, ում համար երգչախմբում ընդգրկվածությունը, նաեւ Վրաստանում հայ հոգեւոր կյանքին մերձեցնելու ու հավատքն առավել ամրապնդելու հնարավորություն է դառնում:

Գտնվելով Հայաստանից դուրս՝ մեր չքնադագույն Վրաստանում, մեզ բոլորիս կապում է երգն ու հավատքը, մշակույթն ու արվեստը, ներկան ու ապագան:

Նշենք, որ Սուրբ Գեորգ առաջնորդանիստ եկեղեցու երգչախմբում ժամանակակից երգել են օպերային թատրոնի հայտնի երգչուհիներ էլզա Գարսեանիշվիլին, Լյալյա Սարաջիշվիլին եւ ուրիշներ:

ՄԱՐԻԱ ՎԱՐՈՒՆՅԱՆ

ՀՈԿՏԵՄԲԵՐԻ 26-Ի ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐ

ԻՆՉ ՄՊԱՍԱՐԿՈՒՄՆԵՐ Է ԱՌԱՋԱՐԿՈՒՄ ԸՆՏՐԱԿԱՆ ՎԱՐՉԱԿԱԶՄԸ ԸՆՏՐՈՂՆԵՐԻՆ ԱԶԳԱՅԻՆ ՓՈՔՐԱՍԱՍՆՈՒԹՅՈՒՆՆԵՐՈՎ ՀՈՏԱԲՆԱԿ ՏԱՐԱԾԱՆԳՉԱՆՆԵՐՈՒՄ

(Սկիզբը՝ 1-ին էջում)

Այս տարի, առաջին անգամ ընտրական վարչակազմն ամենամեծ ընդգրկվածությամբ կօգտագործի էլեկտրոնային տեխնոլոգիաները, եւ ընտրողների գրեթե 90 տոկոսը քվեարկությանը մասնակցության վավերացումն ու ծայրերի հաշվարկումը կստանա սարքերի միջոցով:

Ցանկացած ժողովրդավարական հասարակությունում հիմնարար է բոլոր քաղաքացիների իրավունքների հավասար մասնակցությունն ընտրական գործընթացին: Ժողովրդավարությունը հիմնված է հավասար իրավունքների եւ հնարավորությունների վրա՝ անխտիր բոլոր քաղաքացիների համար: Քվեարկության արգելքները՝ կապված լեզվի ու լիարժեք տեղեկատվության եւ կամ ֆիզիկական ներկայության հետ, վնասում եւ թուլացնում են ընտրական գործընթացի ամբողջականությունը:

Ուստի, ընտրական վարչակազմի նպատակն է բոլորի համար, անկախ լեզվական արգելքից, ստեղծել հավասար եւ ազատ ընտրական միջավայր: Հենց այդ նպատակով էլ ԿԸՀ-ում գործում է ազգային փոքրամասնությունների հարցերով աշխատող աշխատանքային խումբ, որի կազմում են ընտրական վարչակազմի ներկայացուցիչները, ժողովրդական պաշտպանի աշխատակազմի եւ պետական գերատեսչությունների ներկայացուցիչները, միջազգային կազմակերպությունների ու ազգային փոքրամասնությունների ընտրական հարցերով աշխատանքի փորձ ունեցող տեղական կազմակերպությունների ներկայացուցիչները:

Ընտրական վարչակազմի գործունեության կազմում ընթացքում, մենք հաշվի ենք առնում միջազգային եւ տեղական դիտորդական կազմակերպությունների կողմից ընտրություններին Վրաստանում ապրող ազգային փոքրամասնությունների հավասար մասնակցության ուղղությամբ տրված հանձնարարականները, որոնց, ի պատասխան, մեր իրավասությունների շրջանակներում մշտապես իրականացնում ենք գործնական քայլեր:

ԿԸՀ-ի կողմից պատրաստած բոլոր տեղեկատվական-գովազդային տեսախոլովակները թարգմանվում են հայերեն եւ աղբյուրներն ու տեղադրվում ԿԸՀ-ի կայքէջի (cesko.ge) եւ YouTube հարթակում: Ընտրական ժամանակահատվածում տեսախոլովակները ներբեռնված են Հանրային հեռարձակողի կայք-էջում եւ տարածաշրջանային հեռուստաընկերությունների էթերներում:

Ընտրական վարչակազմն ազգային փոքրամասնության ներկայացուցիչների իրազեկման նպատակով հայերեն եւ աղբյուրներն տարածում է ընտրական տեղեկատվություն ԿԸՀ-ի կայք-էջի, տարածաշրջանային հեռուստաընկերությունների եւ ռադիոյի, ինչպես նաեւ տպագիր լրատվամիջոցների միջոցով:

Ընտրական ժամանակահատվածում շահագրգռված անձիք ընտրական հարցերին վերաբերող տեղեկատվություն կարող են ստանալ ԿԸՀ-ի կոնտակտ-հաբի (+995 25100 51) հայերեն եւ աղբյուրներն հաղորդող օպերատորներից:

Ազգային փոքրամասնությունների իրազեկման համար Կենտրոնական ընտրական հանձնաժողովի կայք-էջում իրապարակված է «Տեղեկատվություն» ազգային փոքրամասնությունների համար» բաները, որտեղ տեղեկատվությունը մատչելի է վրացերեն, հայերեն եւ աղբյուրներին:

Ազգային փոքրամասնություններով հոծաբնակ տարածաշրջաններում ապրող ընտրողները կարող են ԿԸՀ-ի կայք-էջում, «Ընտրող» (www.voters.cec.gov.ge) բաներում (պաստառ) վրացերեն, հայերեն եւ աղբյուրներին ստուգել ընտրողների միասնական ցուցակում իրենց եւ ընտանիքի անդամների տվյալները:

Սկսած 2010 թվականից, բոլոր ընտրություններին տեղամասային ընտրական հանձնաժողովների հայալեզու եւ աղբյուրներն անդամների համար ցանկացած տեղեկատվական-ուսումնական նյութերը, որոնք անհրաժեշտ են նրանց գործառնությունների իրականացման համար, թարգմանվում են նրանց համար համապատասխան լեզվով:

Ընտրական ժամանակահատվածում հայերեն եւ աղբյուրներին թարգմանում է նաեւ ընտրական սուբյեկտների, դիտորդական կազմակերպությունների եւ հավատարմագրված լրատվամիջոցների վերաբերյալ:

Քվեարկությանը հավասար մասնակցության համար հայերեն եւ աղբյուրներին թարգմանվում են ընտրական հետեւյալ նյութերը՝ ընտրողների ցուցակը (պատին փակցրած տարբերակը), ընտրական քվեաթերթիկները

ու քվեաթերթիկի լրացման կարգը, քվարկության մասնակցությունը ներկայացնող մանրամասները:

2017 թվականին նախաձեռնեցինք «Ձրուցում ենք ընտրողների հետ» տեղեկատվական քարոզարշավը: Քարոզարշավի շրջանակներում, անցկացրինք հանդի-



Giorgi Kalandarishvili
CEC

պումներ Վրաստանի ողջ տարածքով, այդ թվում՝ ազգային փոքրամասնություններով հոծաբնակ երկրամասերի մուցիցիպալիտետների կենտրոններում եւ գյուղերում: Քարոզարշավի շրջանակներում տարածեցինք վրացերեն, հայերեն եւ աղբյուրներն ֆլայերներ:

Ընտրական գործընթացում էլեկտրոնային տեխնոլոգիաների ներդրումն ընտրական վարչակազմի համար նոր մարտահրավեր առաջացրեց: Պետք է իրականաց-

վեր բնակչության բոլոր խմբերի իրազեկման գործընթացը էլեկտրոնային նոր քվեարկության ընթացակարգի վերաբերյալ: Ուստի, ընտրական գործընթացում էլեկտրոնային տեխնոլոգիաների օգտագործմանը զուգընթաց, 2023 թվականից սկսեցինք «Ինչպես քվեարկել ընտրական քվեարկության միջոցների օգտագործմամբ»

լայնածավալ տեղեկատվական քարոզարշավը:

Քարոզարշավի շրջանակներում, ազգային փոքրամասնության ներկայացուցիչ ընտրողների համար հանդիպումներ անցկացվեցին արդարադատության տներում, սպասարկման գործակալության մասնաճյուղերում, առևտրական կենտրոններում, բարձրագույն ուսումնական հաստատություններում, հանրային եւ մասնավոր գերատեսչություններում:

2022 թվականին իրականացված ընտրական բարեփոխման համապատասխան, ընտրական վարչակազմի պաշտոնյայի հավաստագիր ունենալը պարտադիր դարձավ տեղամասային ընտրական հանձնաժողովի ղեկավար անձանց եւ անդամների ընտրության համար: Վերոնշյալ օրենսդրական փոփոխության կատարման նպատակով, 2023 թվականից սկսեցինք տարածաշրջաններում հավաստագրման քննությունների անցկացումը:

Ընտրական վարչարարության գործընթացում ազգային փոքրամասնությունների ներկայացուցիչների ներգրավման ապահովման համար, տեղամասային ընտրական հանձնաժողովների ղեկավար անձանց եւ անդամների հավաստագրման քննությունների համար հայերեն եւ աղբյուրներին թարգմանեցինք քննական թեստերը,

որոնց օգտագործմամբ հայերենով եւ աղբյուրներն անցկացվեցին հավաստագրման քննություններ:

Ազգային փոքրամասնություններով հոծաբնակ տարածաշրջաններում հավաստագրման քննությունների անցկացման համար, բացվեցին քննական 8 կենտրոններ՝ Թելավիում, Բոլնիսիում, Մառնեուլիում, Գարդաբանիում, Թեթրիժարայում, Ախալցխայում, Ախալքալքիում եւ Լինոծմիդայում:

Հավաստագրման քննության վերաբերյալ տեղեկությունը տարածվեց նաեւ վրացերեն, հայերեն եւ աղբյուրներն տեսախոլովակներով տարածաշրջանային հեռուստաընկերությունների էթերում:

Մեզ համար առաջնահերթային ուղղություն է կիրթ ընտրողը, ինչը նպաստում է ընտրական գործընթացում քաղաքացիական ներգրավման մակարդակի բարձրացմանը, ընտրողների ակտիվության աճին եւ իրազեկված ընտրության կատարմանը:

ԿԸՀ-ի ուսումնական կենտրոնը, ընտրական վարչակազմի հետ համատեղ, տարիներ շարունակ իրականացնում է տեղեկատվական-կրթական նախագծեր ազգային փոքրամասնության ներկայացուցիչ ընտրողների, այդ թվում՝ երիտասարդների եւ կանանց համար: Միջազգային եւ տեղական կազմակերպությունների հետ արգասաբեր համագործակցության ձեւաչափով մշակված ռեսուրսները, ստեղծված հանրային հարթակը եւ սպասարկումները ցանկացած ընտրողի ընդունում են ընտրական տեղեկատվության հավասար մատչելիության եւ ընտրական գործընթացում լիարժեք ներգրավման հնարավորություն:

Պետական մյուս գերատեսչությունների հետ միասին մենք սերտ համագործակցում ենք Հաշտեցման

եւ իրավահավասարության հարցերով Վրաստանի պետական նախարարի աշխատակազմի հետ եւ պարբերաբար տեղեկատվություն եք փոխանցում ընտրական վարչակազմի կողմից քաղաքացիական իրավահավասարության ու ինտեգրման պետական ռազմավարության գործողությունների ծրագրով սահմանված ակտիվությունների կատարման վերաբերյալ:

Ազգային փոքրամասնությունների հարցերով ԵԱՀԿ



գերագույն հանձնակատարի ընտրական վարչակազմի ղեկավարությունն իր բազմամյա համագործակցության ընթացքում, մանրամասն տեղեկատվություն է փոխանցում այն ակտիվությունների մասին, որոնք ԿԸՀ իրականացնում է ազգային փոքրամասնությունների հավասար մասնակցության ապահովման համար:

Մենք գիտակցում ենք հարցի հրատապությունն ու ջանք չենք խնայում ազգային փոքրամասնություններով հոծաբնակ տարածաշրջանների ընտրողների համար հավասար պայմաններ ապահովելու համար: Այդ գործընթացում ընտրական վարչակազմը մեծ նշանակություն է տալիս ներգրավված կողմերի ակտիվ մասնակցությանը: Նշանակալից է, որ ներգրավված բոլոր կողմերը, այդ թվում՝ նաեւ դուք՝ ընտրողները, համատեղ նպաստեք Վրաստանում 2024 թվականի խորհրդարանական ընտրությունները միջազգային չափորոշիչներին համապատասխան անցկացվելուն, քանի որ ընտրությունները բոլորի ընդհանուր գործն է:

Լուսանկարում. ԿԸՀ նախագահը ազգային փոքրամասնությունների ներկայացուցիչ երիտասարդներին անձամբ ծանոթացնում է ընտրական էլեկտրոնային տեխնոլոգիաներին:

ՀԱՅԱՍՏԱՆ. Փաստեր, իրադարձություններ

«ՎՐԱՍԱՆԻ», ԱՐՄԵՆՊԵՏԻ, ՊԱՆԱՐՄԵՆԻԱՆԻ ՆՅՈՒԹԵՐՈՎ

ՎԵՐԱՆՈՐՈՎՈՒՄԻՅ ԶԵՏՈ ՎԵՐԱՕԾՎԵՅ ԷԶՄԻԱԾՆԻ ՄԱՅՐ ՏԱՃԱՐԸ

(Սկզբը՝ 1-ին էջում)

Մայր տաճարի վերածնան առիթով Ամենայն Հայոց կաթողիկոս Գարեգին Երկրորդը իր պատգամում մասնավորապես, ասաց.

«Տերունահաստատ Սուրբ Էջմիածինը՝ լուսավորչակերտ Մայր Տաճարով, հավաստիքն է Աստծո հետ մեր հավիտենական ուխտի, դարավոր վկան առ Աստված ու հայրենին Եկեղեցու անկախության, պայծառ փարոսը ազգային-եկեղեցական մեր անդաստանի: Արդար ու ճշմարիտ է՝ Սուրբ Էջմիածինը հոգեփրկչական ու ազգապահպան իր ծառայությամբ դարձել է հիմնասյունը եւ անառիկ միջնաբերդը հայոց ինքնության ու լինելության, խորհրդանիշը մեր



ազգի միասնականության եւ Արարատ վայրը մշտապես լինելու է ազգային ու հո-

տուր լեռան պեմեր հարատեւության:

Սուրբ Էջմիածինի հանդեպ աշխարհասփյուռ հայության որդիական ջերմ սիրով ու նախանձախնդրությամբ է ամուր մեր հայրենիքը, զորեղ եւ անկոտրում միաբանությունը մեր ժողովրդի: Քրիստոսի կողմից հիմնադրված ու կենդանի իսկ այս սրբա-

զեւր կյանքի առանցքը, քանզի Արարատահայաց Սուրբ Էջմիածինը Աստվածաբարձ է, Սուրբ եւ անկորոնելի:

Յոգեմտորոգ այս պահին Հայրապետական Մեր օրհնությունն ենք հղում համայն մեր ժողովրդի զավակներին, որ այսօր մեծագույն ուրախություն եւ հոգեւոր մխիթարություն են ապրում Աստծո Տաճարի վերածնան ու վերաբացման առիթով:

Նորին Սրբությունը Հայ Առաքելական Սուրբ Եկեղեցու «Սուրբ Էջմիածին» պատվով բարձր շքանշանին եւ «Դուստր Սուրբ Էջմիածին» տիտղոսին ու Հայրապետական շքանշանին արժանացրեց Հայ Եկեղեցու ազգային բարերարներին, որոնց ընծայաբերումներով իրականացվեցին Մայր Տաճարի ամբողջական վերանորոգման աշխատանքները:

«ԴՐՈՇՄ ԻՆՔՆՈՒԹՅԱՆ» ԶԵՆՈՒՄԻ ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ՕՐԶԵՎԵՅ 21-ՐԴ ԴԱՐԻ ԳՈՐԴՈՐԴ ՄՅՈՒԹՈՆԸ

(Սկզբը՝ 1-ին էջում)

Սրբալույս Մյուռնի օրհնության եւ Էջմիածնի Մայր Տաճարի վերածնան արարողություններին մասնակիցների թվում էին Վրաց Ուղղափառ Եկեղեցու Ախալքալաքի-Կուսուրդոթի անառնորդ, միտրոպոլիտ Նիկոլոզ Փաշուաշվիլին, Հայ Առաքելական Եկեղեցու վիրահայոց թեմի Սամցխե-Ջավախքի ընդհանուր առաջնորդական փոխանորդ Տեր Նշան վարդապետ Հմայակյանը, Թբիլիսիի Սուրբ Էջմիածին Եկեղեցու հոգեւոր հովիվ Տեր Սամվել քահանա Թորոսյանը, Վրաստանում գործող հայկական եկեղեցիների հոգեւոր հովիվները, Սուրբ Գեւորգ առաջնորդանիստ եկեղեցու խաչքավոր Սամվել Պողոսյանը, Վիրահայոց թեմի առաջնորդի օգնական Կարեն Երիցյանը, թեմի մամուլ դիվան Սուսաննա Խաչատրյանը, «Հայարտուն» կենտրոնի ղեկավար Եվգենյա Մարկոսյանը: Այստեղ էին վիրահայ ներկայացուցիչներ՝ «Վրաստան» թերթի խմբագիր, Թբիլիսիի պատվավոր քաղաքացի Վան Բայրուրյանը (ով սկսած 1980 թվականից, 7-րդ անգամ է մասնակցում Սրբալույս Մյուռնի օրհնության արարողությանը), Վրաստանի կառավարության խորհրդարանական քարտուղարի աշխատակազմի աշխատակից Կարեն Եղիազարյանը, բարերարներ Գագիկ Աղաջանյանը տիկնոջ հետ, Ալեքսանդր Ութմազյանը տիկնոջ հետ, գործարար Արկադի Հովակիմյանը, Վրաստանում գործող հասարակական կազմակերպությունների ներկայացուցիչներ Աննուլ Ստեփանյանը, Մարի Առաքելովան, Մարի Միկոյանը, Արթուր Միրզոյանը, Էդուարդ Հակոբյանը:

րողությունը: Սկզբում «Որ գշնորհ» շարականի երգեցողության ներքո բուրվառակիրները խնկարկեցին Ամենայն Հայոց կաթողիկոսի գլխավորած եպիսկոպոսաց դասը եւ Սրբալույս Մյուռնի կաթսան, ապա՝ Հին ու Նոր Կտակարաններից հատվածներ եւ Սուրբ Մյուռնին Եկեղեցու աղոթքներ ընթերցվեցին: Ավետարանից հետո, հնչեց «Բաց մեզ Տեր» շարականը, որի ժամանակ խորան հրավիրվեց Մյուռնի կնքահայրը, ով եւ բացեց Սուրբ Մյուռնի կաթսան:

Այնուհետեւ, Ամենայն Հայոց կաթողիկոսը Մյուռնի կաթսայի մեջ հեղեց ծաղկանց նյութն ու բալասանը, որից հետո, ձեռնամբ Նորին Սրբության կաթսայի մեջ լցվեց նաեւ Անթիլիասում օրհնված Մյուռնը, որ Վեհափառ Հայրապետին էր մատուցել Մեծի Տանն Կիլիկիո կաթողիկոսության ներկայացուցիչ Գերաշնորհ Տեր Մեսրոպ արքեպիսկոպոս Սարգիսյանը:

Նորին Սրբությունն օրհնեց նոր Մյուռնը, տյառնագրեց եւ խառնեց նաեւ Կենաց Փայտի մասունքակիր խաչով, Աստվածամուխ Սուրբ Գեղարդով եւ հայոց հավատքի հայր Սուրբ Գրիգոր Լուսավորչի Աջով:

Այնուհետեւ Նորին Սրբությունը Գարեգին Երկրորդ Ամենայն Հայոց կաթողիկոսն իր պատգամն ուղղեց ներկաներին եւ համայն հայությանը:

Վեհափառ Հայրապետն իր խոսքում, մասնավորապես, ասաց.

«Մյուռնը տեսանելի ճշմանն է Սուրբ Հոգու ներկայությունը: Սուրբ Մյուռնի դրոշմով աստվածային օրհնության աղբյուրն է բացվում անհատի եւ ժողովրդի կյանքում: Մյուռնով օծյալը արժանի է դառնում աստվածային երկնառաք շնորհների, նորոգվում՝ բարին խորհելու եւ

արարելու, ապրելու Աստծո երկյուղով եւ անվախ՝ ընդդեմ չարի: Սուրբ Մյուռնի կնքիցը հաստատունն է Քրիստոսի հետ միության եւ Սուրբ Եկեղեցուն անդամագրության, այլեւ ազգային ինքնության եւ առիվատյան առ Աստված հավատարմության:

Սրբալույս Մյուռնը դարեղար միմյանց է շաղկապել աշխարհասփյուռ մեր ժողովրդի զավակներին, միավորել Հայրենիքն ու Սփյուռքը: Սուրբ Մյուռնով մենք մեկ ազգ ենք եւ մեկ եկեղեցի: Այսօր էլ Սուրբ Մյուռնը, Նվիրապետական Աթոռների գահակալների, թեմակալ առաջնորդների միջոցով ընծայվելով աշխարհասփյուռ մեր ժողովրդին, վերստին ամրապնդում է ի հոգեւոր անկուծանելի մեր միասնականությունը:

Հայրապետական Մեր հորդորն ու պատգամն է աշխարհասփյուռ Մեր զավակներին՝ մյուռնագրոշմ պահել մեր կյանքի ընթացքը, հաստատուն մնալ մեր պետության շահերի պաշտպանության դիրքերում եւ չվտանգել ազգի ապագան, քանզի ով օծված է Սրբալույս Մյուռնով, չի կարող ուրանալ անկախ հայրենիք ունենալու իր հայրերի երազները, իրաժարվել սեփական պատմությունից: Ով օծված է Մյուռնով, չի կարող մերժել իր նախնայաց ժառանգությունը, նսեմացնել սրբազործված արժեքները, եղծել իր ազգային դիմագիծն ու իղծերը: Ով օծված է Սրբալույս Մյուռնով, կոչված է դառնալու ճշմարտության առաջամարտիկ, բարիքի կերտող եւ սիրո քարոզիչ: Եվ վերջապես, ով օծված է Սրբալույս Մյուռնով, նա երկյուղած պիտի լինի միայն ու միայն Աստծուց, եւ աներկյուղ՝ թշնամիների ու սպառնալիքների առջեւ»:

Ըստ «Արմենպրեսի» եւ Սուրբ Էջմիածնի Մայր Աթոռի մամուլ դիվանի նյութերի

ՎԻՐԱՅԱՅՈՑ ԹԵՄԻ ԱՌԱՋՆՈՐԴՆ ԸՆԴՈՒՆԵՅ ՎԻՐԱՅԱՅՈՑ ԹԵՄԻՆ ՀԱՏՎԱՑՎԱԾ ՍՐԲԱԼՈՒՅՍ ՄՅՈՒԹՈՆՈՎ ԱՆՈՐԸ

2024 թվականի սեպտեմբերի 30-ին, Մայր Աթոռ Սուրբ Էջմիածնի Վեհարանում, նախագահությամբ Ն.Ս.Օ.Տ.Տ. Գարեգին Երկրորդ Ճայրագույն Պատրիարք եւ Ամենայն Հայոց կաթողիկոսի, տեղի ունեցավ նորօրհնյալ Սրբալույս Մյուռնի բաշխման արարողությունը:



Տերունական աղոթքից եւ սրբազան արարողությունների գնահատանքից հետո, Ամենայն Հայոց կաթողիկոսը օրհնությամբ եւ վստահության պատգամով Սրբալույս Մյուռնով անոթը փոխանցեց Վիրահայոց թեմի առաջնորդ Գերաշնորհ Տեր Կիրակոս եպիսկոպոս Դավթյանին:

Վեհափառ Հայրապետը Սուրբ Մյուռնով լի անոթները փոխանցեց նաեւ Կոստանդնուպոլսի Հայոց Պատրիարքության, Մեծի Տանն Կիլիկիո կաթողիկոսության, Երուսաղեմի Հայոց Պատրիարքության ներկայացուցիչներին:

Արարողությունն ամփոփվեց Նորին Սրբությունը Գարեգին Երկրորդ Ամենայն Հայոց կաթողիկոսի օրհնությամբ ու պատգամով:

Սրբալույս Մյուռնի մամուլ դիվանի նյութերի

ԵՐԵՎԱՆՈՒՄ ԱՆՑԿԱՑՎԵՑ ԵՐՐՈՐԴ ԵՎՐԱՍԻԱԿԱՆ ՏՆՏԵՍԱԿԱՆ ՀԱՄԱԺՈՂՈՎԸ



Հոկտեմբերի 1-ին Երեւանում անցկացվեց երրորդ Եվրասիական տնտեսական համաժողովը, որի աշխատանքին մասնակցեցին Հայաստանի վարչապետ Նիկոլ Փաշինյանը, Ռուսաստանի վարչապետ Միխայիլ Միշուստինը, կազմակերպության անդամ երկրների կառավարությունների ներկայացուցիչներ:

Դիտորդի կարգով համաժողովի աշխատանքին մասնակցեցին Իրանի նախագահի առաջին տեղակալ Սոհամադ Ռեզա Արեֆը եւ Ուզբեկստանի վարչապետ Աբդուլլա Արիպովը: Համաժողովի աշխատանքին մասնակցեց նաեւ Կուբայի կառավարության պատվիրակությունը: Նախօրեին Երեւանում անց-

կացվեցին նիստեր պանելային քննարկումների ձեւաչափով: Բանավեճերի մասնակիցները քննարկեցին ենթակառուցվածքի եւ գյուղատնտեսության լոգիստիկայի վերաբերյալ հարցեր, իրավակիրառ պրակտիկան եւ հակամենաշնորհային կարգավորումը տրանսսահմանային շուկաներում, ԵԱՏՄ էլեկտրոնային առևտրային հարթակները, ԵԱՏՄ-

ում էլեկտրոնային առևտրի տեխնիկական կարգավորումը, ԵԱՏՄ ընդհանուր էլեկտրաէներգետիկ շուկայի հեռանկարներն ու առավելությունները:

Եվրասիական տնտեսական համաժողովի լիագումար նիստից հետո անցկացվեց Եվրասիական Միջկառավարական խորհրդի նիստ՝ նեղ կազմով, ապա՝ ընդլայնված կազմով:

ԵԿԵՂԵՑԱԿԱՆ

ՀՈԿՏԵՄԲԵՐ



12.10.2024 Սուրբ թարգմանիչ Վարդապետների՝ Մեսրոպի, Եղիշեի, Սովսես Թերթրոյի, Դավիթ Անհաղթ փիլիսոփայի, Գրիգոր Նարեկացու եւ Ներսես Կլայեցու տոն

Սուրբ թարգմանիչ Վարդապետների տոնը հայ ժողովրդի ամենամեծ սիրով եւ սիրով ազգային-եկեղեցական տոներից է: Թարգմանիչ վարդապետների հիշատակը Հայ եկեղեցին տոնում է տարին երկու անգամ:

ՄԱՅՐԱՔԱՂԱՔ

ԹԲԻԼԻՍԻ ՔԱՂԱՔԱՊԵՏՆ ԱՆՅԿԱՅՐԵՅՆ ՆՈՐ ԱՎՏՈՒՄՆԵՐԻ ՇՆՈՐՀԱՆՊԵՏ

Սեպտեմբերի 30-ին Թբիլիսիի Եվրոպայի հրապարակում մայրաքաղաքի քաղաքապետ Կախա Կալաձեն մասնակցեց 18 մետրանոց 25 նոր ավտոբուսների ներկայացման շնորհանդեսին:

Խոսեց մայրաքաղաքի տրանսպորտային քաղաքականության մասին՝ Թբիլիսիի քաղաքապետը նշեց, որ իրենց գործունեության հիմնական ուղղություններից մեկը մայրաքաղաքի ավտոբուսային երթուղու ամբողջական նորարարացումն է:

- Այսօր մայրաքաղաքի բնակչությանը ցանկանում ենք ներկայացնել 25 միավոր նոր ավտոբուս: Ընդհանուր առմամբ, Թբիլիսիում կլինի 100 միավոր 18 մետրանոց ավտոբուս: Հիմնական նպատակն է բոլորին հասնելի դարձնել հասարակական տրանսպորտը, որպեսզի մայրաքաղաքում քաղաքային տրանսպորտով տեղաշարժը լինի անվտանգ եւ արագ:

Սենք ակնկալում ենք ավելացնել եւս 100 միավոր 18 մետրանոց ավտոբուս: Ընդհանուր առմամբ, բնակչությանը կսպասարկի 200 միավոր 18 մետրանոց ավտոբուս: Այս նախագիծը կավարտվի մինչեւ հաջորդ տարեվերջ,- ասաց Կախա Կալաձեն:



Թբիլիսիի քաղաքապետ Կախա Կալաձեն:

ՖՈՒՏԲՈԼ

ՎՐԱՍՏԱՆԻ ԱՌԱՋՆՈՒԹՅՈՒՆ. «ԱՐՈՒԼ» ԱՍՏԻՃԱՆԱԲԱՐ ԿԱՐԳԱՎՈՐՈՒՄ Է ԽԱՂԸ

Ինչպես արդեն հաղորդել էինք, Վրաստանի առաջնության տարածաշրջանային լիգայում հանդես եկող Ախալքալաքի «Արուլը» առաջին խաղաշրջանը եզրափակեց 17 միավորով (հինգ՝ հաղթանակ, երկու՝ ոչ-ոքի, հինգ՝ պարտություն): Երկրորդ խաղաշրջանում արուլցիներն անցկացրին հինգ հանդիպում՝ իրենց ակտիվում գրանցելով 10 միավոր:



- Ուրախալի է, որ հանդիպումից հանդիպում փոխվում է «Արուլի» խաղի որակը: Դա ակնհայտորեն երեւում է առաջնության երկրորդ խաղաշրջանում,- «Վրաստանի» հետ հեռախոսազրույցում ասաց «Արուլի» գլխավոր մարզիչ Արամ Սուքիասյանը:

- Դատեք ինքներդ. երկրորդ խաղաշրջանի մեկնարկային երկու հանդիպումներից հավաքեցինք 4 միավոր: Ճիշտ է, երրորդ հանդիպմանը, սեփական հարկի տակ, նվազագույն հաշվով՝ 0:1 զիջեցինք առաջնության առաջատարներից մեկին՝ Ախալցխեի «Սամցխեին», սակայն, հաջորդ երկու հանդիպումներն ավարտեցինք հաղթանակով. Թբիլիսիում 5:2 հաշվով հաղթեցինք Սուխումիի «Դինամոյին», իսկ մեր դաշտում 2:0 հաշվով հաղթեցինք թբիլիսյան «Նորչի Դինամոյին»,-ասաց Արամ Սուքիասյանը:

Ներկա դրությամբ, «Արուլը» Վրաստանի առաջնության տարածաշրջանային լիգայում 27 միավորով, 7-րդ տեղումն է: Այդուհանդերձ 46 եւ 40 միավորով գլխավորում են Խաշուրիի «Իվերիան» եւ Ախալցխեի «Սամցխեն»:

«Արուլի» կազմում իրենց բովանդակալից խաղով կրկին աչքի են ընկնում Ռաֆայել Դարբինյանը (թիմի ռմբարկու, 15 գոլի հեղինակ), Ռոմիկ Ծորոյանը, Ստեփան Սարգսյանը...

ԿԱՅԱՅԱՎ ՎՐԱՍՏԱՆԻ ՀԱՎԱՔԱԿԱՆԻ ԵՎ ԻՏԱԼԱԿԱՆ «ՄԻԼԱՆ» ԱԿՈՒՄԲԻ ԼԵԳԵՆԴՆԵՐԻ ՀԱՆԳԻՊՈՒՄԸ

Թբիլիսիի Միխեիլ Մեսխիս անվան մարզադաշտում կայացավ Վրաստանի հավաքականի եւ «Միլանի» լեգենդների հանդիպումը, որի հիմնական ժամանակն ավարտվեց 2:2 հաշվով, իսկ «Միլանը» 11 մետրանոց հարվածաշարում հաղթեց 3:1 հաշվով:



«Միլանի» կազմում հանդիպմանը մասնակցեցին այնպիսի ճանաչված ֆուտբոլիստներ, ինչպիսիք էին Ռիկարդո Կական, Դիդան, Մաքսիմո Օռոն, Ալեքսանդրո Կոստակուրտան, Ռիվալդոն, Մարկո Բորիելոն, Կաֆուն, Կլարենս Չեեդոբոն... Վրաստանի հավաքականի կազմում հանդես եկան Կախա Կալաձեն, Ալեքսանդր Իաշվիլին, Սանդրո Կոբախիձեն, Գիորգի Քինքլաձեն, Շոթա Արվելաձեն, Գիորգի Դեմետրաձեն... «Միլանի» կազմում ակտիվ էր Ռիկարդո Կական, իսկ Վրաստանի հավաքականի կազմում հարձակման գծում փորձեցին հայտնվել Ալեքսանդր Իաշվիլին, Սանդրո Կոբախիձեն, Գիորգի Քինքլաձեն ու Շոթա Արվելաձեն:

Table with 9 columns and 10 rows containing numbers 1 through 62.

Large text block with various news items and contact information for VRASTAN.

Box with contact information for VRASTAN, including address and phone numbers.

Box with contact information for VRASTAN, including website and email.

Box with contact information for VRASTAN, including address and phone numbers.